



## **Chronicon chronicorum ecclesiastico-politicum**

ex huius superiorisque aetatis scriptoribus concinnatum ; qua non modo pontificum, archiepiscoporum, abbatum, &c., set et doctorum armis literisque illustrium, dies natalis ... egregiaque eorum ... facinora ... breviter delineantur ...

**Gruterus, Janus**

**Francoforti, 1614**

XVI. Episcopi Wiennenses.

---

[urn:nbn:de:hbz:466:1-64659](https://nbn-resolving.org/urn:nbn:de:hbz:466:1-64659)

propositura Episcopatus nomine & permutata & decorata. Cui propositum de nouo subiecit, & huic Bericholdorffensis prædii regij censum præscripsit, & alias ædes senatoriæ domui, siue Curia Urbanae oppositas designauit, veteris propositurae domo Episcopatus curia constituta. Reperitq; in utroque munere, ab anno Domini 1482. hos fere qui sequuntur.

CATALOGVS EPISCOPORVM  
Vviennensium.

Leo à Spaur nobili loco ortus in comitatu Tyrolensi, à Friderico Cæsare quem tertium cognominant, Austriae Archiduce, wiennensis Episcopus constitutus, veteri à Paulo secundo Pontifice maximo eiusdem Ecclesiae priuilegio impetrato, anno 1480.

Bernhardus, & ipse magno in Austria loco natus Archiepiscopus primo Saltzburgeris, à Friderico tandem Cæsare Leoni Vviennensi Episcopo successus est, anno 1485.

Vrbanus Agriensis ex Hungaria Episcopus, Matthiae Hungariae regis quæstor & aulicus: simul ut is rex, expugnata Vienna, rerum cœpisset in Austria potiri, wiennensem Episcopatum viuentem adhuc Bernharo, à suo rege gubernandum accepit.

Ioannes Vesprunienfis ante in Hungaria Episcopus, ab Matthia rege Hungariae & Austriae possessore, Urbano substitutus, in Episcopali Cathedra mansit, donec Maximilianus Austriam recepisset.

Bernhardus Baro à Bolhaym, à Maximiliano Imperatore, cum is wiennam in fidem recepisset, Vesprunienfi mortuo successus est: sed cum sacris non initiaretur, Episcopatus Vviennensis se tantum administratorem scripsit.

Georgius à Sclavonia, Maximiliano Cæsari à sacris

concionibus, Bernhardo in Episcopatu Vviennensi suffectus est.

Petrus Bononius Tergestinus Episcopus, cum mortuo Maximiliano scriniorum magistri munus per Austriam obiret, huius simul Episcopatus Vviennensis administrationem habuit: vt ferunt, adhuc in vivis, Tergesti, multo senio venerandus.

Ioannes à Revellis, Burgundus, Ferdinando Archiduca Maximiliani Imperatoris ex Philippo filio nepoti, ab elemolynis, Bononio adhuc viuenti, à Ferdinando in Episcopatu Vviennensi substitutus est, anno Domini 1522. obiit anno 1530.

Ioannes cognomento Fabri, ex Leukhirsch, Suenus Ferdinandi regis Romani à confessione, sacrae Theologiae doctor, in Vviennensi Episcopatu ab hero suo superuoluo Ioanni substituitur, anno Domini 1531. obiit anno 1544.

C A T A L O G V S P R A E P O S I T O -  
rum Vviennensium.

Thomas à Cilia Constantiensis praepositus, quo tempore veterem praeposituram Fridericus tertius ad Episcopale fastigium extulisset, in noua à se constituta, cathedrali item praepositura, primus ab eodem principe inauguratus est, anno Domini 1480.

Virgilius Cantzler, praepositus Wiennensis in noua praepositura, obiit anno 1503.

Iustus Khalman, praepositus Wiennensis, obiit anno 1510.

Ioannes Buschius Cuspiniæ sororius, & Maximiliani Caesaris aulicus, & postea praepositus Wiennensis, obiit anno Domini 1517.

Paulus ab Obersteyn, I. V. doctor, & Maximiliano Caesari à secretis, & scriba à latinis, ab eodem principe Ioanni substituitur, cum multis annis praeposituram Wiennensem gubernasset. obiit nostra memoria, anno Salutis 1544.

Ioannes